

玉函山房輯佚書

口 11  
1236  
8



1236

明  
孫  
卷  
8  
1236



易象妙於見形論晉孫盛撰盛字安國太原中都人  
桓溫留爲參軍從入關平洛以功封吳昌縣侯出補  
長州太守累遷秘書監加給事中事蹟見晉書本傳  
盛嘗著魏氏春秋晉陽秋當時稱其直筆蓋研覃於  
史學者本傳又言殷浩擅名一時與抗論者惟盛而  
已盛著易象妙於見形論浩等竟無以難之劉惔傳  
亦云孫盛作易象妙於見形論簡文帝使殷浩難之  
不能屈惔與抗答辭甚簡至盛理遂屈觀其命書之  
意已涉清談流弊詞鋒之相角何足異乎隋唐志均

不著錄而隋志集部有晉秘書監孫盛集五卷殘闕  
或其所著論在集中與今其畧見世說新語注孔氏  
正義序亦引其說重卦語茲並採錄附正義駁語於  
後王應麟王海列晉易象論有孫盛未可以隋志不  
載聽其淪沒而不為之屬意也歷城馬國翰竹吾甫

易象妙於見形論

晉 孫盛 撰

聖人知觀氣不足以達變故表圓應於著龜圓應不  
可為典要故寄妙迹於六爻六爻周流唯化所適故  
雖一畫而吉凶並彰微一則失之矣擬器託象而慶  
咎交著繫器則失之矣故設八卦者蓋緣化之影迹  
也天下者奇見之一形也圓影備未備之象一形兼  
未形之形故盡二儀之道不與乾坤齊妙風雨之變  
不與巽坎同體矣

劉孝標世說新語注

夏禹重卦 孔穎達正義序

正義序云雖有萬物之象其萬物變通之理猶自未備故因其八卦而更重之卦有六爻遂重為六十四卦也繫辭曰因而重之爻在其中矣是也然重卦之人諸儒不同凡有四說王輔嗣以為伏犧畫卦鄭元之徒以為神農重卦孫盛以為夏禹重卦史遷等以為文王重卦其言夏禹及文王重卦者案繫辭神農之時已有蓋取益與噬嗑以此論之不攻自破

周易繫辭桓氏注晉桓元撰元字敬道譙國龍亢人僭號偽楚皇帝事蹟見晉書本傳隋書經籍志有周易繫辭二卷晉桓元撰唐書藝文志云三卷其注久佚陸德明採注繫辭者十人尚引有桓元三節夫僭竊之徒何足稱述然其所本亦有可資考訂者不以人廢言賦靜女之三章可已歷城馬國翰竹吾甫

周易繫辭桓氏注

晉 桓元 撰

八卦相盪

盪動也 陸德明釋文

儀之而後言 釋文議之鄭姚桓元荀柔之作儀之

何以守位曰仁 釋文曰人王肅作仁王桓元明倍紹作仁

周易繫辭荀氏注宋荀柔之撰南史宋書皆無柔之傳其字亦佚陸德明釋文序錄載注繫辭者十人有荀柔之云潁川潁陰人宋奉朝請冊府元龜云荀柔之注周易繫辭並爲易音考釋文列爲易音者三人王肅李軌徐邈不言柔之未知所據隋書經籍志唐書藝文志並有繫辭注二卷今佚唯釋文引其三節如議之而後動作儀之與鄭康成姚信同較王弼本作議之者理實深長有味得茲一瓣令人想天厨之充美矣歷城馬國翰竹吾甫

*[Faint bleed-through text from the reverse side of the page]*

周易繫辭荀氏注

宋 荀柔之 撰

通于晝夜之道而知

知音智 陸德明釋文

儀之而後動

釋文議之鄭姚桓元荀柔之作儀之

歸奇於扚

扚別也 釋文

周易繫辭荀氏注

一 鄒媛館補校



周易繫辭明氏注齊明僧紹撰僧紹字承烈平原人  
 國子博士徵不起事蹟見南史及齊書本傳其易注  
 隋唐志皆不著錄陸德明釋文序錄載注繫辭十人  
 有之亦不言其卷數引述三節不及注語第考文字  
 之異而已今列一家並附本傳於後俾論世者知其  
 人焉歷城馬國翰竹吾甫

*[Faint bleed-through text from the reverse side of the page]*

周易繫辭明氏注

南齊明僧紹撰

通乎晝夜之道而知

知音智 陸德明釋文引苟爽苟柔之明僧紹

易有君子之道四焉

釋文聖人之道明僧紹作君子之道

何以守位曰仁

釋文曰人王肅亦伯玉桓元明僧紹作仁

附錄本傳

明僧紹字休烈平原高平人一字承烈其先吳太伯之裔百里奚子孟明以名爲姓其後也祖玩州中從事父略給事中僧紹明經有儒術宋元嘉中再舉秀才永光中鎮北府辟功曹並不就隱長廣郡嶗山聚徒立學魏尅淮南乃渡江昇明中齊高帝爲太傅教辟僧紹及顧歡臧榮緒以旌幣之禮徵爲記室參軍不至僧紹弟慶符爲青州僧紹乏糧食隨慶符之鬱洲住弇榆山棲雲精舍欣玩水石竟不一入州城泰始

季年岷益有山崩淮水竭齊郡僧紹竊謂其弟曰夫天地之氣不失其序若夫陽伏而不泄陰迫而不蒸於是乎有山崩川竭之變故伊洛竭而夏亡河竭而殷亡三川竭岐山崩而周亡五山崩而漢亡夫有國必依山川而爲固山川作變不亡何待今宋德如四代之季爾誌吾言而勿泄也竟如其言齊建元元年冬微爲正員郎稱疾不就其後帝與崔思祖書令僧紹與慶符俱歸僧紹又曰不食周粟而食周薇古猶發議在今寧得息談邪聊以爲笑慶符罷任僧紹隨

歸住江乘攝山僧紹聞沙門釋僧遠夙德往候定林寺高弟欲出寺見之僧遠問僧紹曰天子若來居士若爲相對僧紹曰山藪之人政當鑿不以遁若辭不獲命便當依戴公故事旣而遁還攝山建棲霞寺而居之高帝甚以爲恨昔戴顓高卧牖下以山人之服加其身僧紹故云高帝後謂慶符曰卿兄高尙其事亦朕之外臣朕夢想幽人固已勤矣所謂逕路絕風雲通仍賜竹根如意筍籜冠隱者以爲榮焉勃海封延伯者高行士也聞之歎曰明居士身彌後而名彌

先亦宋齊之儒仲也永明中徵國子博士不就卒僧  
紹長兄僧胤能言元仕宋為江夏王義恭參軍王別  
為立榻比之徐孺子位冀州刺史子慧照元徽中為  
齊高帝平南主簿從拒桂陽吳至驃騎中兵參軍與  
伯玉對領直建元元年為巴州刺史綏懷蠻蜒上許  
為益州刺史未遷卒僧胤次弟僧嵩亦好學宋大明  
中再使魏于時新誅司空劉誕孝武謂曰若問廣陵  
之事何以答之對曰周之管蔡漢之淮南帝大悅及  
至魏魏問曰卿銜此命當緣上國無相踰者邪答曰

聰明特達舉袂成帷比屋之毗又無下僕晏子所謂  
看國善惡故再屣此庭位至青州刺史僧紹子元琳  
仲璋山賓竝傳家業山賓最知名

玉函山房輯佚書目

卷七

經編易類

周易要略一卷 齊沈麟士

周易劉氏義疏一卷 齊劉焯

周易大義一卷 梁武帝

周易伏氏集解一卷 梁伏曼容

周易褚氏講疏一卷 梁褚仲都

周易周氏義疏一卷 陳周宏正

周易張氏講疏一卷 陳張譏

目

一 如嬛館補校

周易何氏講疏一卷 隋何妥

周易姚氏注一卷 姚規

周氏崔氏注一卷 崔觀

周易傅氏注一卷

周易盧氏注一卷

周易王氏注一卷 王凱冲

周易王氏義一卷 王嗣宗

周易朱氏義一卷 朱仰之

莊氏易義一卷

周易沈氏要略一卷南齊沈麟士撰麟士字雲禎吳興武康人徵朝奉請太學博士著作郎太子舍人並不就事蹟見南齊書本傳其易說卷數不詳史稱其著周易兩繫莊子內篇訓注易經禮記春秋尚書論語孝經喪服老子要略數十卷据此當有二注蓋周易兩繫為一書易經要略為一書隋唐志皆不著錄散佚已久唯李鼎祚集解引其說潛龍一節義精辭粹

欽定周易折中採取其說亟為表章並附本傳為一

周易沈氏要略  
七卷二  
卷其論語要略皇侃義疏尚存佚說數則別爲序次  
入論語家焉歷城馬國翰竹吾甫

周易沈氏要略

南齊 沈麟士 撰

周易上經

乾

初九潛龍勿用

稱龍者假象也天地之氣有升降君子之道有行  
藏龍之爲物能飛能潛故借龍比君子之德也初  
九既尚潛伏故言勿用

李鼎祚集解



附錄本傳

沈麟士字雲禎吳興武康人也祖膺期晉太中大夫  
麟士少好學家貧織簾誦書口手不息宋元嘉末文  
帝令尚書僕射何尚之抄撰五經訪舉學士縣以麟  
士應選尚之謂子偃曰山藪故有奇士也少時麟士  
稱疾歸鄉更不與人物通養孤兄子義著鄉曲或勸  
麟士仕答曰魚縣獸檻天下一契聖人元悟所以每  
履吉先吾誠未能景行坐忘何爲不希企日損乃作  
元散賦以絕世太守孔山士辟不應宗人徐州刺史

曇慶侍中懷文左率勃來候之麟士未嘗答也隱居  
餘千吳差山講經教授從學者數十百人各營屋宇  
依止其側麟士重陸棧連珠每爲諸生講之征北張  
永爲吳興請麟士入郡麟士聞郡後堂有好山水乃  
往停數月永欲請爲功曹使人致意麟士曰明府德  
履冲素留心山谷民是以被褐負杖忘其疲病必欲  
飾渾沌以蛾眉冠越客於文冕走雖不敏請附高節  
有蹈東海而死爾永乃止昇明末太守王奐上表薦  
之詔徵爲奉朝請不就永明六年吏部郎沈淵中書

郎沈約又表薦麟士義行曰吳興沈麟士英風夙挺  
峻節早樹貞粹稟於天然綜博生乎篤習家世孤貧  
藜藿不給懷書而耕白首無倦挾琴採薪行歌不輟  
長兄早卒孤姪數四攝疋鞠稚吞苦推甘年踰七十  
業行無改元嘉以來聘召仍疊玉質踰潔霜操日嚴  
若使聞政王庭服道槐掖必能爭朝規於邊鄙播聖  
澤於荒垂詔又徵爲太學博士建武二年徵著作郎  
永元二年徵太子舍人並不就麟士負薪汲水并日  
而食守操終老篤學不倦遭火燒書數千卷麟士年

過八十耳目猶聰明以火故抄寫燈下細書復成二  
三千卷滿數十篋時人以爲養身靜嘿之所致也著  
周易兩繫莊子內篇訓注易經禮記春秋尚書論語  
孝經喪服老子要略數十卷以楊王孫皇甫謐深達  
生死而終禮矯俗乃自作終制年八十六卒

周易劉氏義疏一卷南齊劉瓛撰瓛字子珪沛國人  
徵步兵校尉不拜諡貞簡先生事蹟見南齊書本傳  
七錄言作繫辭義疏不詳卷數隋書經籍志有周易  
乾坤義一卷梁有周易四德例一卷亡又別有周易  
繫辭義疏二卷唐書藝文志卷並同惟乾坤義亦稱  
義疏今其書皆不傳陸德明釋文唐釋元應一切經  
音義李善文選注引數節皆繫辭疏孔氏正義及李  
鼎祚集解亦引其說乾坤二卦則乾坤義之佚文也  
合輯一卷卽從唐志總以義疏題之至四德之例泯

不可見存其目焉可也歷城馬國翰竹吾甫

周易劉氏義疏

南齊 劉瓛 撰

周易乾坤義

易者謂生生之德有簡易之義不易者言天地定  
位不可相易變易者謂生生之道變而相續皆以  
緯稱不煩不擾澹泊不失此明是易簡之義無窮  
之道孔穎達正義序  
引崔觀劉貞簡

用九見羣龍无首吉

總六爻純九之義故曰用九李鼎祚  
集解

周易劉氏義疏

一 姻媿館補校

象曰

象者斷也斷一卦之才也集解

首出庶物萬國咸寧

陽氣爲萬物之所始故曰首出庶物立君而天下皆寧故曰萬國咸寧也集解

文言曰

依文而言其理故曰文言集解

萬物資生乃順承天

萬物資生於地故地承天而生也集解

升其高陵

三居下體之下故謂之陵董真卿會通

周易繫辭上傳

鼓之以雷霆

霆電也震爲雷離爲電唐釋元應大智度論卷三十音義

憂悔吝者存乎介

介微也釋元應五分律卷一音義

生生之謂易

自無出有曰生生得性之始也文選卷三十陶淵明雜詩注又卷六

周易劉氏義疏

二 媿 媛 館 補 校

左太冲魏都賦注引首句

至矣哉

至極也文選卷三十九鄒陽上書吳王注

治容詢淫

治妖治也謂恣態傲雅自得莊飾鮮明之貌也釋

應中本起經卷下音義又維摩詰所說經卷下音義引云謂恣態之貌也恣態二字据補又大愛道

比邱尼經卷下音義引首句

聖人以此洗心

洗悉珍反陸德明釋文引劉瓛

知以臧往

胡煦函書

臧善也

釋文藏往如字劉作臧善也案釋文凡言劉者皆劉表其劉而光山胡煦周易函書引作劉瓛或别有據今依錄之

成天下之亶亶者

亶亶猶微微也

釋元應大智度論卷十六音義

周易繫辭下

分十二章

正義

周易大義一卷梁武帝撰帝姓蕭諱衍字叔達南蘭陵中都里人受齊禪卽皇帝位事蹟見南史帝紀及梁書本紀帝撰著經義凡二百餘卷隋書經籍志有周易大義二十一卷周易講疏三十五卷並題梁武帝撰唐書藝文志有大義二十卷又有大義疑問二十卷今並亡佚陸德明釋文引梁武帝凡四節不言何書案講疏唐志不著錄陸氏所引蓋大義逸文也茲據標題並採武帝集引易附之以攷異同夫梁武篤信佛法學未能醇然大同中於臺西立士林館命

儒臣朱異賀琛孔子祛等遞相講述四方郡國趨學  
向風其時聚書最盛阮孝緒七錄第一內篇經目統  
計四千七百一十卷而易部五百九十卷蓋亦取多  
而用宏矣歷城馬國翰竹吾甫

周易大義

梁武帝撰

周易上經

乾

文言曰

文言是文王所制  
陸德明釋文  
引梁武帝

否

其亡繫于苞桑  
梁武帝荅皇太子請御講勅  
引易與今本作包異据補

隨



隨時之義大矣哉 梁武帝出古育王塔下佛舍利詔  
引易與王肅本作隨之時義不同

補据

大畜

何天之衢

何音賀 釋文引  
梁武帝

離

離王公也

離力智反 釋文引梁武  
音王嗣宗

周易下經

渙

王假有廟

假音賈 釋文引  
梁武帝

既濟

寔受其福 梁武帝代牲詔西漸禴祭寔  
受其福與今本作實異據補

周易伏氏集解一卷梁伏曼容撰曼容字公儀平昌安邱人官至臨海太守事蹟見南史及梁書儒林傳其撰述周易毛詩喪服史並稱集解老子論語並稱義隋書經籍志梁有臨海令伏曼容注周易八卷亡太守云令集解云注皆與舊史不合當依本傳唐書藝文志五行家有伏曼容周易集林十二卷伏氏周易集林一卷與集解各一書今悉不傳陸德明釋文李鼎祚集解各引一則此外別無徵述史稱其倜儻好大言嘗云何晏疑易中九事以吾觀之晏了不學

也今觀其說蠱卦一節引尚書大傳今本無之知當  
口引喻鴻通不同叩寂其它論說當更有精義微言  
出人意表者惜無從考證之矣茲取佚說並附梁書  
本傳為一卷暇日流覽猶想見清暑殿上執經風采  
云歷城馬國翰竹吾甫

周易伏氏集解

梁 伏曼容 撰

周易上經

蠱

蠱元亨

蠱惑也萬事從惑而起故以蠱為事也案尚書大  
傳云乃命五史以書五帝之蠱事然為訓者正以  
太古之事无為无事也今言蠱者是卦之惑亂也  
時既漸澆物情惑亂故事業因之以起惑矣故左

傳云女惑男風落山謂之蠱是其義也

李鼎祚集解

周易下經

渙

川拯馬壯吉

拯濟也 陸德明釋文

附錄本傳

伏曼容字公儀平昌安邱人曾祖滔晉著作郎父肩之宋司空主簿曼容早孤與母兄客居南海少篤學善老易倜儻好大言常云何晏疑易中九事以吾觀之晏了不學也故知平叔有所短聚徒教授以自業為驃騎行參軍宋明帝好周易集朝臣於清暑殿講詔曼容執經曼容素美風采帝恒以方嵇叔夜使吳人陸探微畫叔夜像以賜之遷司徒參軍袁粲為丹陽尹請為江寧令入拜尚書外兵郎昇明末為輔國

周易大氏集解

鄭煥館補校

長史南海太守齊初爲通直散騎侍郎承明初爲太子率更令侍皇太子講衛將軍王儉深相交好令與河內司馬憲吳郡陸澄共撰喪服義旣成又欲與之定禮樂會儉薨遷中書侍郎大司馬諮議參軍出爲武昌太守建武中入拜中散大夫時明帝不重儒術曼容宅在瓦官寺東施高坐於聽事有賓客輒升高坐爲講說生徒常數十百人梁臺建以曼容舊儒召拜司馬出爲臨海太守天監元年卒官時年八十二爲周易毛詩喪服集解老莊論語義子暉在良吏傳

周易褚氏講疏一卷梁褚仲都撰梁書孝行傳褚脩吳郡錢唐人也父仲都善周易爲當時最天監中歷官五經博士南史全緩傳勿受易於博士褚仲都陸德明釋文序錄云近代梁褚仲都周宏正並爲易義此其知名者隋書經籍志唐書藝文志俱載其講疏十六卷其書佚矣孔穎達正義序稱江南義疏有十餘家辭尙虛誕皆所不取而採錄弗遺褚氏故散亡之餘而見正義者猶得十五節釋文亦間稱引茲並輯錄其說恒象云雷資風而益遠風假雷而增威頗

與子夏傳地得水而柔水得地面流辭義相近抗志遠晞蓋亦鐵中之錚錚者已歷城馬國翰竹吾甫

*[Faint bleed-through text from the reverse side of the page]*

周易褚氏講疏

梁 褚仲都 撰

周易上經

乾

九二見龍在田利見大人

九二利見九五之大人 孔穎達正義

彖曰

彖斷也斷定一卦之義所以名為彖也

知至至之

一體之極是至者是下卦已極將至上卦之下至謂至上卦也

坤

初六履霜堅冰至

履霜者從初六至六三堅冰者從六四至上六陰陽之氣无為故積馴履霜必至於堅冰以明人事有為不可不制其節度故於履霜而遂以堅冰為戒所以防漸慮微慎終于始也

屯

雷雨之動滿盈

釋亨也萬物盈滿則亨通也皆剛柔始交之所為者雷雨之動亦陰陽始交也萬物盈滿亦陰陽而致之故云皆剛柔始交之所為也

蒙

象曰童蒙之吉順以巽也

順者心不違也巽者外迹相卑下也

比

九五顯比王用三驅失前禽邑人不誠吉象曰顯比

之吉位正中也舍逆取順失前禽也邑人不誠上使中也

王用三毆三面著人驅禽必知三面者禽唯有背已向已趣已故左右及於後皆有驅之愛於來而惡於去來則舍之是愛於來也去則射之是惡於去也故其所施常失前禽者言獨比所應則所比為失如三驅所施愛來憎去則失在前禽也大有其德剛健而文明應乎天而時行是以元亨

六五應乾九二亦與五為體故云應乎天也德應於天則行不失時與時无違雖萬物皆得亨通故曰是以元亨

蠱

蠱元亨而天下治也利涉大川往有事也

蠱者惑也物既惑亂終致損壞當須有事也有為治理也故序卦云蠱者事也謂物蠱必有事非謂訓蠱為事

臨



至于八月

自建寅至建酉之月

復

七日來復

五月一陰生至十一月一陽生凡七月而云七日不云月者欲見陽長須速故變月言日

大畜

六五豶豕之牙吉

積除也除其牙也並正義

周易下經

恒

恒亨无咎利貞利有攸往

王氏注三事謂无咎利貞利有攸往

雷風相與

雷資風而益遠風假雷而增威正義

遯

不往何災

何河可反釋文

小過

謂小人之行小有過差君子為過厚之行以矯之

也如晏子狐裘之比也正義

雷震風而益數風動雷而益

雷風小過

王五卦正雷雷天雷無妄

震為雷巽為風

小過

小過

周易周氏義疏一卷陳周宏正撰宏正字思行汝南安成人官至尚書右僕射領國子祭酒豫州大中正諡簡子事蹟見陳書本傳其易說本傳云講疏十六卷隋書經籍志作義疏卷數同陸德明釋文慶錄云近代梁褚仲都陳周宏正並為易義此其知名者陸氏稱義與隋志合想原書本題作義疏也德明唐人及見其疏而唐書藝文志不著錄未知何故今則佚矣釋文引止四節孔穎達正義亟引周氏不標其名以序稱簡子斷之知為宏正說茲併合輯一卷大抵

衍輔嗣之旨亦或用鄭說而於序卦分六門以主攝  
之頗見新意夫易冒天下之道無所不包學者玩索  
而有得焉斯名理日出而不窮也已歷城馬國翰竹  
吾甫

周易周氏義疏

陳周宏正撰

周易上經

易者易也不易也變易也易者易代之名凡有五  
相代彼此相易皆是易義不易者常體之名有常  
有體无常无體是不易之義變易者相變改之名  
兩有相變此為變易

孔穎達正義  
序引周簡子

乾

君子以成德為行日可見之行也潛之為言也隱而

未見行而未成是以君子弗用也

上第六節乾元者始而亨者也是廣明乾與四德

之義此君子以成德為行亦易第六節明六爻之

義正義德出於亡在身內之物故云成行被於人在

外之事故云行同上

屯

雷雨之動滿盈

此一句覆釋亨也正義萬物盈滿則亨通也同上引

氏

蠱

先甲三日後甲三日

甲者造作新令之日甲前三日取改過自新故用

辛也甲後三日取丁寧之義故用丁也正義引褚

氏

有子考陸德明釋文周依

馬王肅以考絕句

周易下經

咸

取女吉

周易下經

二 姍 媛 館 補 校

天地各卦夫婦共卦者九字据正義補天地之道略於

人事猶如三才天地為二人止為一也正義引周氏

恒

恒亨无咎利貞

注云恒而亨以濟三事也三事者一亨也二无咎

也三利貞也正義

晉

君子以自昭明德正義昭周氏等為照

自照亡身老子曰自知者明用明以自照正義

井

改邑不改井

井以不變更為義釋文

小過

過罪過正義

周易繫辭上

天尊地卑

為第一章正義

聖人設卦觀象

為第二章正義

象者言乎象者也

為第三章正義

震无咎者存乎悔

震威也釋文

精氣為物

為第四章正義

顯諸仁藏諸用

為第五章正義

聖八有以見天下之賾

為第六章正義

初六藉用白茅

為第七章正義

大衍之數

為第八章正義

子曰知變化之道

為第九章正義

天一地二

為第十章正義正

是故易有太極

為第十一章正義正

子曰書不盡言

為第十二章正義正

周易繫辭下

第一起八卦成列至非曰義第二起古者包犧至  
蓋取諸夫第三起易者象也至德之盛第四起困  
于石至勿恒也第五起乾坤其易之門至失得之

報第六起易之興至巽以行權第七起易之為書

至思過半矣第八起二與四至謂易之道第九起

夫乾天下至其辭屈正義曰周氏莊氏並為九章今從九章為說也

知者觀其象辭

象辭爻辭也釋文引鄭云周同

是故其辭危

謂當紂時不敢指斥紂惡故其辭微危而不正也

正義正

周易序卦

周易周氏義疏

就序卦以六門主攝

第一天道門

如乾之次坤泰之次否等是天道運數門也

第二人事門

如訟必有師師必有比等是人事門也

第三相因門

如因小畜生履因履故通等是相因門也

第四相反門

如遯極反壯動竟歸止等是相反門也

第五相須門

如大有須謙蒙稚待養等是相須門也

第六相病門

如賁盡致剝進極致傷等是相病門也

並正義



附錄本傳

周宏正字思行汝南安城人也晉光祿大夫顓之九世孫也祖顓齊中書侍郎領著作父寶始梁司徒祭頌宏正幼孤及弟宏讓宏直俱為叔父侍中護軍捨所養年十歲通老子周易捨每與談論輒異之曰觀汝神情穎悟清理警發後世知名當出吾右河東裴子野深相賞納請以女妻之十五召補國子生仍於國學講周易諸生傳習其義以季春入學孟冬應舉學司以其日淺弗之許焉博士到洽議曰周郎年未

弱冠便自講一經雖曰諸生實堪師表無俟策試起家梁太學博士晉安王為丹陽尹引為主簿出為鄴令丁母憂去職服闋歷曲阿安吉令普通中初置司文義郎直壽光省以宏正為司義侍郎大通二年梁昭明太子薨其嗣華容公不得立乃以晉安王為皇太子宏正乃奏記見本集其抗直守正皆此類也累遷國子博士時於城西立士林館宏正居以講授聽者傾朝野焉宏正啓梁武帝周易疑義五十餘又請釋乾坤二繫見本集宏正博物知元象善占候大同末嘗

謂弟宏讓曰國家厄運數年當有兵起吾與汝不知何所逃之及梁武帝納侯景宏正謂宏讓曰亂階此矣京城陷宏直為衡陽內史元帝在江陵遺宏直書曰適有都信賢兄博士平安但京師搢紳無不附逆王克亡為家臣陸緬身充卒伍唯有周生確乎不拔言及西軍潺湲掩淚恒思五至如望歲焉松柏後凋一人而已王僧辯之討侯景也宏正與宏讓自拔迎軍僧辯得之甚喜即日啓元帝元帝手書與宏正曰獯醜逆亂寒暑亟離海內相識零落落略盡韓非之智

不免秦獄劉歆之學猶斃亡新音塵不嗣每以耿灼  
常欲訪山東而尋子雲問關西而求伯起遇有今信  
力附相聞遲比來鍾惺其延佇乃遣使迎之謂朝士  
曰晉士乎吳喜獲二陸今我破賊亦得兩周古今一  
時足爲速類及宏正至禮數甚優朝臣無與比者授  
黃門侍郎直侍中省俄遷左民尙書尋加散騎常侍  
元帝嘗著金樓子曰余於諸僧重招提琰法師隱士  
重華陽陶貞白士大夫重汝南周宏正其於義理清  
轉無窮亦一時之名士也及侯景平僧辯啓送秘書

圖籍勅宏正讎校時朝議遷都朝士家在荊州者皆  
不欲遷唯宏正與僕射王裒言於元帝曰若東脩以  
上諸士大夫微見古今者知帝王所都本無定處無  
所與疑至於黔首萬姓若未見輿駕入建鄴謂是列  
國諸王未名天子今宜赴百姓之心從四海之望時  
荆陝人士咸云王周皆是東人志願東下恐非良計  
宏正面折之曰若東人勸東謂爲非計君等西人欲  
西豈成良策元帝乃大笑之竟不遷都及江陵陷宏  
正遁圍而出歸於京師敬帝以爲大司馬王僧辯長

史行揚州事太平元年授侍中領國子祭酒遷太常卿都官尚書高祖受禪授太子詹事天嘉元年遷侍中國子祭酒往長安迎高宗三年白周還詔授金紫光祿大夫加金章紫綬領慈訓大僕廢帝嗣位領都官尚書總知五禮事仍授太傅長史加明威將軍高宗即位遷特進重領國子祭酒豫州大中正加扶太建五年授尚書右僕射祭酒中正如故尋勅侍東宮講論語孝經太子以宏正朝廷舊臣德望素重於是降情屈禮橫經請益有師資之敬焉宏正特善元言

兼明釋典雖碩學名僧莫不請質疑滯六年卒于官時年七十九詔曰追遠褒德抑有恒規故尚書右僕射領國子祭酒豫州大中正宏正識宇凝深藝業通備辭林義府國老民宗道映庠門望高禮閣卒然殂殞朕用惻然可贈侍中中書監喪事所須量加資給便出臨哭諡曰簡子所著周易講疏十六卷論語疏十一卷莊子疏八卷老子疏五卷孝經疏兩卷集二十卷行于世子墳官至吏部郎宏正二弟宏讓宏直

周易張氏講疏一卷陳張譏撰譏字直言清河武城人官至國子博士東宮學士事蹟見南史本傳隋書經籍志有周易講疏三十卷陳諮議參軍張譏撰唐書藝文志亦有張譏講疏三十卷今不傳孔穎達正義引張氏每與何氏褚氏並稱考唐志載張譏講疏下卽次何義講疏十三卷褚仲都講疏十六卷皆近代爲妥疏者故並引之觀其於說易者換代之名待奪之義引何氏張氏謂本周簡子變易之旨又獨詳於乾卦簡子卽周宏正史稱譏受學於汝南周宏正

梁武帝嘗於文德殿釋乾坤文言議與陳郡袁憲等與焉敕令論議諸儒莫敢先出議乃整容而進諮審循環辭令溫雅帝異之賜裙襦絹云表卿稽古之力以此而証尤爲明確茲採正義所引張氏數節卽依隋唐志題識以章其名又陸德明釋文每稱師讀師說朱太史彝尊經義考謂當卽九師今考釋文於易稱師似可傳會九師而於他經亦引師說當作何解其悞顯然臧氏鏞謂陸氏之師也然亦未嘗明言何人考本傳云譏性恬靜不求榮利常慕閑逸所居宅

營山池花果講周易老莊而教授焉吳郡陸元朗朱孟博一乘寺沙門法才法雲寺沙門慧休至真觀道士姚綏皆傳其業元朗德明本名以字行然則陸氏之師卽譏也茲並取釋文所引合輯一卷別有尙書義十五卷毛詩義二十卷孝經義八卷論語義二十卷後主嘗敕就其家寫入秘閣今併無存附志於此以待博淹之士蒐補焉歷城馬國翰竹吾甫

周易張氏講疏

陳張譏撰

周易上經

易者換代之名待奪之義 正義序引何氏張氏謂本周簡子之說

乾

初九潛龍勿用

以道未可行故稱勿用以誠之於此小人道盛之時若其施用則為小人所害寡不敵眾弱不敵強禍害所及故誠勿用若漢高祖生於暴秦之世唯

一 嫺媛館補校

隱居為泗上亭長是勿用也

正義引張氏

陽數有七有九陰數有八有六但七為少陽八為少陰質而不變為爻之本體九為老陽六為老陰文而從變故為爻之別占且七既為陽爻其畫已長今有九之老陽不可復畫為陽所以重體避少陽七數故稱九也八為陰數而畫陰爻今六為老陰不可復畫陰爻故爻其體避八而稱六

正義引張氏

九二見龍在田利見大人

九二利見九五之大人

正義引褚氏張氏同鄭康成之說

潛龍勿用下也

王注云識物之動謂龍之動也則其所以然之理皆可可知者謂識龍之所以潛所以見然此之理皆可知也龍之為德不可妄者言龍靈於他獸不妄舉動可潛則潛可見則見是不虛妄也見而在田必以時之通舍者經唯云時舍也注云必以時之通舍者輔嗣以通解舍舍是通義也初九潛藏不見九二既見在田是時之通舍之義也以爻為人以位為時者爻居其位猶若人遇其時故文王明



夷則主可知矣主則時也謂當時無道故明傷也  
仲尼旅人則國可知矣國亦時也若見仲尼羈旅  
于人則知國君无道令其羈旅出外引文王仲尼  
者龍藏龍見之義正義引張氏

需

有孚光陸德明釋文引師讀絕句

蠱

君子以振民育德振音真釋文引師讀

振振仁厚也釋文同上

周易下經

遯

莫之勝脫說如字釋文引王肅云師同

損

二簋應有時應如字釋文引師讀

姤

以杞包瓜

杞苟杞正義引張氏

萃

周易長氏傳疏

三姤變館補校

君子以除戎器

除猶脩治釋文引王肅姚陸云師同

升

君子以慎德

釋文以順德本又作慎師同

井

井以清絜為義

釋文引師說

周易繫辭傳

故君子之道鮮矣

鮮盡也

釋文引師說

慎斯術也以往

釋文慎斯術也一本作慎師用義

神武而不殺者夫

殺所戒反釋文引王鄭王肅下云師同

易之為書也不可遠

遠如字釋文引師讀

則居可知矣

居如字如字處也師音同

知者觀其彖辭

彖辭通謂爻卦之辭也

釋文引師說

周易說卦傳

參天兩地而倚數

以三中含兩有一以包兩之義明天有包地之德

四姆嬭節補校

周易長氏講疏

周易別上言正  
陽有包陰之道故天舉其多地言其少也

七卷二十一  
正義引  
張氏

周易何氏講疏一卷隋何妥撰北史本傳云妥字棲鳳西城人入周仕為太學博士封襄城縣男文帝受禪除國子博士加通直散騎常侍進爵為公出為龍州刺史以疾請還尋為國子祭酒諡曰肅撰周易講疏十三卷孝經疏二卷並行於世唐書藝文志有何妥周易講疏十三卷與本傳同隋書經籍志有周易私記三十卷不著撰人姓名下次周易講疏十三卷注云國子祭酒何妥撰考魏何晏官至吏部尚書隋志集部題魏尚書何晏集十一卷茲題國子祭酒乃

隋何妥之官號且書名卷數並與妥傳不殊而次序又在陳周宏正之下不著代者以妥爲隋人也志偶誤妥爲晏而册府元龜遂云何晏撰周易私記二十卷周易講疏十三卷朱太史彝尊信之載入經義考展轉承訛失而愈遠矣宋國史志尙有何氏講疏十三卷今其書佚正義及李鼎祚集解引之尙數十節李明標何妥正義稱何氏其說每與張氏周氏褚氏莊氏並引莊氏不詳何人周爲周宏正張爲張譏褚爲褚仲都何卽何妥皆唐近代爲講疏者正義亦疏

也故僅題某氏又主應麟玉海稱何襄城爲六象論云云襄城妥在周時所封男爵也朱氏經義考於何妥講疏外別出正義之何氏又出何氏六象論云失名一人凡三見皆失深考茲并採輯合爲一帙依唐志題講疏至私記一書散亡無考姑闕之以俟知者歷城馬國翰竹吾甫

周易何氏講疏

隋何妥撰

周易上經

易者換代之名待奪之義

正義引張氏何氏

乾

夫行健

天體不健能行之德健也猶如地體不順承弱之勢順也所以乾卦獨變名爲健者宋衷曰晝夜不懈以健詳其名餘卦當名不假於詳矣

李鼎祚集解

一 娜嬛館補校

君子體仁足以長人

此明聖人則天合五常也仁為木木主春故配元為四德之首君子體仁故有長人之義也

嘉會足以合禮

禮是交結會通之道故以配通五禮有吉凶賓軍嘉故以嘉合於禮也

利物足以和義

利者裁成也君子體此利以利物足以合於五常之義

貞固足以幹事

貞信也君子堅貞正可以委任於事故論語曰敬事而信故幹事而配信也

初九曰潛龍勿用何謂也

夫子假設疑問也後五爻皆放此也

子曰龍德而隱者也

此直答言聖人有隱顯之龍德今居初九窮下之地隱而不見故云勿用矣並集解

上下无常非為邪也進退无恒非離羣也

所以進退无恒者時使之然非苟欲離羣也言上

下者據信也進退者據交也

正義

高而无民

既不處九五帝王之位故无民也夫率土之濱莫

非王臣既非王位民不隸屬也

集解

潛龍勿用下也

此第二章以人事明之當舜耕漁之日卑賤處下

未為時用故云下

見龍在田時舍也

此夫子洙泗之日開張業藝教授門徒自非通舍

孰能如此

終日乾乾行事也

此當文王為西伯之時處人臣之極必須事上接

下故言行事也

或躍在淵自試也

欲進其道猶復疑惑此當武王觀兵之日欲以試

觀物情也

飛龍在天上治也

此當堯舜冕旒之日以聖德而居高位在上而治民也

潛龍勿用陽氣潛藏

此第三章以天道明之當十一月陽氣雖動猶在地中故曰潛龍也

見龍在田天下文明

原缺以上下文義案之當云此當正月

終日乾乾與時偕行

此當三月陽氣浸長萬物將盛與天之運俱行不

息也

或躍在淵乾道乃革

此當五月微陰初起陽將改變故云乃革也

飛龍在天乃位乎天德

此當七月萬物盛長天功大成故云天德也

亢龍有悔與時偕極

此當九月陽氣大衰向將極盡故云偕極也

乾元用九乃見天則

陽消天氣之常天象法則自然可見



上不在天下不在田

上不及五故云上不在天也下已過二故云不在田處此之時實為危厄也

故乾乾因其時而惕雖危无咎矣

處危懼之地而能乾乾懷厲至夕猶惕乃得无咎

矣前集解

坤

先迷失道後順得常

陰道惡先故先致迷失後順於主則保其常慶也

文言曰

坤文言唯一章者以一心奉順於主也前集解

需

利涉大川

大川者大難也需之待時本欲涉難既能以信而待故可以利涉大川矣前集解

象曰需須也險在前也

此明得名由于坎也坎為險也有險在前不可妄涉故須待時然後動也

泰

則是天地交而萬物通也

此明天道泰也夫泰之為道本以通生萬物若天氣上騰地氣下降各自閉塞不能相交則萬物無由得生明萬物生由天地交也

上下交而其志同也

此明人事泰也上之與下猶君之與臣君臣相交感乃可以濟養民也天地以氣通君臣以志同也內陽而外陰內健而外順

此明天道也陰陽之名就爻為語健順之稱指卦為言順而陰居外故曰小往健而陽在內故曰大來

否

則是天下不交而萬物不通也

此明天道否也

上下不交而天下無无邦也

此明人事否也泰中言志同否中云无邦者言人志不同必致離散而亂邦國

並集解

同人

文明以健中正而應君子正也

離為文明乾為剛健健非尚武乃以文明應不以邪乃以中正故曰利君子貞也

蠱

象曰山下有風蠱

山者高而靜風者宣而疾有似君處上而安靜臣在下而行令也

剝

六五貫魚以宮人寵无不利

夫剝之為卦下比五陰駢頭相次似貫魚也魚為陰物以喻眾陰也夫宮人者后夫人嬪妾各有次序不相瀆亂則貴賤有章寵御有序六五既為眾陰之主能有貫魚之序故得无不利矣

復

復亨

復者歸本之名羣陰剝陽至于幾盡一陽來下故稱反復陽氣復反而得交通故云復亨也

上六迷復凶有災眚用行師終有大敗以其國君凶  
至于十年不克征

理國之道須進善納諫迷而不復安可牧民以此  
行師必敗績矣敗乃思復失道已遠雖復十年乃  
征无所克矣

无妄

乾上震下天威下行皆齊絜不敢虛妄也並集解

蠱

先甲三日後甲三日

甲者造作新令之日甲前三日取改過自新故用

辛也甲後三日取丁寧之義故用丁也正義云稽氏何氏周

鄭義氏並同

臨

至于八月

從建子陽生至建未為八月正義引何氏

大畜

上九何天之衢亨

天衢既通道乃大亨正義引何氏

周易下經

晉

初六晉如摧如貞吉罔孚裕无咎

摧退也裕寬也如辭也初六處順之初應明之始明順之德於斯將隆進則之明退則居順進之與退不失其正故曰進如摧如貞吉也罔孚者處卦之始功業未著未為人所信服故曰罔孚裕无咎者裕寬也方踐卦始未至履位不可自以為足也若以此為足是自喪其長也故必宜寬裕其德使

功業宏廣然後无咎故曰裕如咎也

正義引何氏

周易繫辭上

上篇明无故曰易有太極太極即无也又云聖人以此洗心退藏于密是其无也下篇明幾从无入

有故云知幾其神乎

正義引何氏

易有四象所以示也

四象謂天生神物聖人則之一也天地變化聖人效之二也天垂象見吉凶聖人象之三也河出圖洛出書聖人則之四也

正義引何氏

周易姚氏注姚規撰規不詳何人隋書經籍志有周易七卷姚規注不著何代蓋在隋時已無考但繫姚注於梁何曾伏曼容朱异之下當是齊梁間人唐志不著錄亡佚已久李鼎祚集解引一節說言互體蓋亦治鄭虞學者掇拾殘亡以質妮古之士焉歷城馬國翰竹吾甫

*[Faint bleed-through text from the reverse side of the page]*

周易姚氏注

姚規撰

周易上經

大有元亨

互體有兌兌為澤位在秋也乾則施生澤則流潤  
離則長茂秋則收成大富有也大有則元亨矣

李鼎

解 祚集

周易崔氏注崔覲撰覲不詳何人時代爵字里居並  
佚隋書經籍志有周易十三卷崔覲注又有周易統  
例十卷崔覲撰亦僅題崔覲而已唐書藝文志尙有  
崔覲注十三卷隋志崔覲注次姚規於統例次周顒  
范氏當是齊梁間人考北史儒林傳有清河崔瑾與  
范陽盧景裕同爲徐遵明弟子覲瑾音同或一人而  
傳寫各異與今其書并不傳孔氏正義李鼎祚集解  
各引一節錄出與姚規注比次存隋志一家云歷城  
馬國翰竹吾甫



*[Faint bleed-through text from the reverse side of the page]*

周易崔氏注

崔觀撰

周易

易者謂生生之德有易簡之義不易者天地定位不可相易變易者謂生生之道變而相續皆以緯稱不煩不擾澹泊不失此明是易簡之義無窮之

道孔穎達正義序引崔觀劉貞簡

大哉乾乎剛健中正純粹精也

不雜曰純不變曰粹言乾是純粹之精故有剛健

中正之四德也

李鼎祚集解

*[Faint bleed-through text from the reverse side of the page]*

周易傅氏注撰人名字缺隋書經籍志有周易十三卷傅氏撰唐書藝文志有傅氏注十四卷啓蒙翼傳亦云十四卷皆言傅氏不知何代人隋志在盧氏上唐志在何胤盧氏下殆亦齊梁間作者其注今佚陸德明釋文引三節音訓皆與今易異輯錄存之可備一解云歷城馬國翰竹吾甫

周易傳氏注

傅氏撰

周易上經

泰

拔茅茹以其彙

彙古偉字美也陸德明釋文

賁

賁古斑字文章貌釋文

周易卜經

周易傳氏注

一 嫻媛館補校

萃

一渥爲笑

釋文一握  
傅氏作渥

周易盧氏注一卷盧氏未詳何人隋書經籍志唐書

藝文志均有盧氏注周易十卷不載其名十卷之注

今頗佚亡唯正義及李鼎祚集解引之凡二十節亦

僅稱盧氏而已考後魏書盧景裕傳景裕字仲孺小

字白頭范陽涿人也專經爲學又云先是景裕注周

易注尚書孝經論語禮記老子其毛詩左氏傳未訖

齊文襄王入相於第開講招延時雋令景裕解所注

易景裕義理精微吐發閑雅時有問難或相詆呵大

聲厲色言至不遜而景裕神采儼然風誦如一從容

往復無隙可尋由是士君子嗟美之普泰初復除國  
 子博士興和中補齊王開府屬卒於晉陽景裕雖不  
 聚徒教授所注易大行於世由此觀之則盧氏注易  
 審為景裕矣乃隋唐志佚其名者蓋由蕭梁之代南  
 北分疆故七錄所記詳南而略北隋志本七錄唐志  
 因之故多缺亡耳茲既考定為景裕而不敢直標其  
 名仍題盧氏闕疑也其說易爻用升降與蜀才略相  
 似大抵宗荀氏之學者輯錄一卷延此經香尚友之  
 儒或可資以論世焉 歷城馬國翰竹吾甫

周易盧氏注

周易上經

坤

先迷後得主利

坤臣道也妻道也後而不先先則迷失道矣故曰  
 先迷陰以陽為主當後而順之則利故曰後得主

利 李鼎祚集解

括囊无咎慎不害也

慎言則无咎也

需

九五需於酒食貞吉象曰酒食貞吉以中正也

沈湎則凶中正則吉也

訟

象曰訟上剛下險險而健訟

險而健者恆好爭訟也

象曰不永所事訟不可長也雖小有言其辯明也

初欲應四而二據之蹇爭事不至永雖有小訟訟

必辯明故終吉

師

六三師或輿尸凶象曰師或輿尸大無功也

失位乘剛內外无應以此帥師必大敗故有輿尸

之凶功業大喪也

履

元吉在上大有慶也

王者履禮于上則萬方有慶于下

噬嗑

剛柔分動而明雷電合而章

周易卷五十六

一師娘館補校

此本否卦乾之九五降坤初坤之初六分升乾  
五是剛柔分也分則動于下電照於上合成天  
威故曰雷電合而成章也

賁

九二賁如濡如永貞吉象曰永貞之吉終莫之陵也  
有商之文以自飾故曰賁如也有坎之水以自潤  
故曰濡如也體剛履正故永貞吉與二同德故終  
莫之陵也

剝

彖曰剝剝也

此本乾卦羣陰剝陽故曰為剝也  
上以厚下安宅

上君也宅居也山高絕于地今附地者明被剝矣  
屬地時也君當厚錫于下賢當卑降于愚然後得  
安其居

初六剝牀以足蔑貞凶象曰剝牀以足以滅下也  
蔑滅也坤所以載物牀所以安人在下故稱足先  
從下剝漸及於上則君政崩滅故曰以滅下也

周易

三 姍 嬾 補 校

大畜

九二與說輶象曰輿說輶中无尤也

乾為輿案輶車之鈎心夾軸之物處失其正上應于五五居畜盛止不我升故且說輶停畱待時而進退得正故无尤也

並同上

周易下經

睽

睽之時用大矣哉

不言義而言用者明用睽之義至大矣

集解

渙

象曰渙亨剛來而不窮柔得位乎外而上同

此本否卦乾之九四來居坤中剛來成坎水流而不窮也坤之六二上升乾四柔得位乎外上承貴王與上同也

六四渙其羣元吉渙有丘匪夷所思

自二居四離其羣侶渙其羣也得位承尊故元吉也互體有艮艮為山丘渙羣雖則光大有丘則非平易故有匪夷之思也

周易注

四 姒媛館補校



節

彖曰節亨剛柔分而剛得中

此本泰卦分乾九三升坤五分坤六五下處乾三  
是剛柔分而剛得中也

既濟

六四繻有衣袽終日戒象曰終日戒有所疑也

繻者布帛端末之識也袽者殘幣帛可拂拭器物  
也繻有為衣袽之道也四處明闇之際貴賤無恆  
猶或為衣或為袽也履多懼之地上承帝王故終

日戒慎有所疑懼也

實受其福吉大來也

明鬼亨德不享味也故德厚者吉大來也並同上

序卦傳

屯者物之始生也

物之始生故屯難孔穎達正義



天立而地黃  
 陰陽而交戰故血立黃  
 周易擊辭傳  
 知周乎萬物而道濟天下故不過  
 知周道濟洪纖不遺亦不過差也

周易王氏注

王凱冲 撰

周易上經

坤

天立而地黃

陰陽而交戰故血立黃

子鼎祚集解

周易擊辭傳

知周乎萬物而道濟天下故不過

知周道濟洪纖不遺亦不過差也

顯諸仁藏諸用

萬物皆成仁功著也不見所為藏諸用也

富有之謂大業日新之謂盛德

集解

物無不備故曰富有變化不息故曰日新

集解

周易王氏義王嗣宗撰徧考史去無嗣宗易注之日

陸德明釋文引其音義三節與徐邈梁武並稱又實

以著作知名之士考張璠集解序二十二家有王宏

字正宗弼之兄晉大司農贈太常為易義嗣宗或正

宗之別字弼字輔嗣或緣此取義乎然無顯徵故仍

題王嗣宗附著王凱沖注後侯淹雅君子推定焉歷

城馬國翰竹吾甫

*[Faint bleed-through text from the reverse side of the page]*

周易王氏義

王嗣宗撰

周易上經

離

日仄之離

陸德明釋文日吳王嗣宗作仄音同

出涕沱若

出勅類反 釋文

離王公也

離方智反

釋文引梁武云王嗣宗同

周易王氏義

二刻館補校

Blank page with faint vertical lines and ghosting of text from the reverse side.

周易朱氏義朱仰之撰隋書經籍志唐書藝文志皆  
 無其目陸德明釋文序錄荀爽等九家集解注內有  
 張氏朱氏並不詳何人李鼎祚集解引朱仰之說凡  
 二節疑卽其人也歷城馬國翰竹吾甫

周易朱氏義

朱仰之 撰

繫辭傳

人謀鬼謀百姓與能

人謀謀及卿士鬼謀謀及卜筮也又謀及庶民故

曰百姓與能

李鼎祚集解

說卦傳

其於地也為剛鹵

取金之剛不生也剛鹵之地不生物故為剛鹵也

周易朱氏義

二 嫺館補校

周易莊氏義一卷莊氏不知何人隋唐志並不載唯正義引之其論乾象大哉乾元孔氏稱其理密所論損卦謂得正旨劉瓛分繫辭下爲十二章莊氏與周氏並定爲九章正義從之而以說豫利建侯爲非是說大壯喪羊于易爲不識注意又其說每與褚仲都同惟說王注恒而亨以濟三事褚謂无咎利貞利有攸往莊謂无咎一也利二也貞三也意見小異大抵其人在褚後爲疏義者唐時其書尚存志偶佚之今據正義採輯備一家云歷城馬國翰竹吾甫



*[Faint bleed-through text from the reverse side of the page]*

周易莊氏義

周易上經

乾

初九潛龍勿用

下言初則上有末義故大過曰棟橈本末弱是上有末義六言上則初當言下故小象曰潛龍勿用陽在下也則是初有下義互文相通

孔穎達正義

彖曰

彖斷也斷定一卦之義所以名為彖也

正義引褚氏莊氏

大哉乾元萬物資始乃統天雲行雨施品物流形大明終始六位時成時乘六龍以御天乾道變化各正性命

大哉乾元萬物資始乃統天者此三句總釋乾與元也乾是卦名元是卦德之首故以元德配乾釋之大哉乾元者陽氣昊天乾體廣遠又以元大始生萬物故曰大哉乾元萬物資始者釋其乾元稱大之義以萬象之物皆資取乾元而各得始生不失其宜所以稱大也乃統天者以其至健而爲物

始以此乃能統領於天天是有形之物以其至健能總括有形是乾元之德也雲行雨施品物流形者此二句釋亨之德也言乾能用天之德使雲氣流行雨澤施布故品類之物流布成形各得亨通无所壅蔽是其亨也大明終始六位時成者此二句總結乾卦之德也以乾之爲德大明曉乎萬物終始之道始則潛伏終則飛躍可潛則潛可飛則飛是明達乎始終之道故六爻之位依時而成若其不明終始之道應潛而飛應飛而潛應生而殺

應殺而生六位不以時成也時乘六龍以御天者  
 此二句申明乾元乃統天之義言乾之為德以依  
 時乘駕六爻之陽氣以控御於天體六龍即六位  
 之龍也以所居上下言之謂之六位也陽氣升降  
 謂之六龍也上文以至健元始總明乾德故云乃  
 統天也此各乘駕六龍各分其事故云以御天也  
 乾道變化各正性命者此二句更申明乾元資始  
 之義道體无形自然使物開通謂之為道言乾卦  
 之道自然通物故云乾道也變謂後來改前以漸

後改謂之變也化謂一有一无忽然而改謂之為  
 化言乾之為道使物漸變者使物卒化者各能正  
 定物之性命性者天生之質若剛柔遲速之別命  
 者人所稟受若貴賤天壽之屬是也正義用莊氏之說  
 象凡十有二體正義象者發首則歎美卦者則此乾  
 象云大哉乾元坤卦象云至哉坤元以乾坤德大  
 故先歎美之乃後詳說其義或有先疊文解義而  
 後歎者則豫卦歎云豫之時義大矣哉之類是也  
 或有先釋卦名之義復以卦名結之者則同人象

曰柔得位得中而應乎乾曰同人大有象曰柔得尊位大中而上下應之曰大有之例是也或有特疊卦名而稱其卦者則同人象曰同人曰同人于野亨注云同人于野亨利涉大川非二之所能也是乾之所行故特曰同人曰同上

文言曰

文謂文飾以乾坤德大故特文飾以為文言

元者善之長也亨者嘉之會也利者義之和也貞者事之幹也

第一節元者善之長者謂天之體性生養萬物善之大者莫善施生元為施生之宗故言元者善之長也亨者嘉之會者嘉美也言天能通暢萬物使物嘉美之會聚故云嘉之會也利者義之和者言天能利益庶物使物各得其宜而和同也貞者事之幹者言天能以中正之氣成就萬物使物皆得幹濟

知至至之

注處一體之極極即至也三在下卦之上是至極

周易卷七十一  
夫大人者與天地合其德與日月合其明與四時合  
其序與鬼神合其吉凶先天而天弗違後天而奉天  
時天且弗違而況於人乎況於鬼神乎

與天地合其德者謂覆載也與日月合其明者謂  
照臨也與四時合其序者若賞以春夏刑以秋冬  
之類也與鬼神合其吉凶者若福善禍淫也先天  
而天弗違者若在天時之先行事天乃在後不違  
是天合大人也後天而奉天時者若在天時之後  
行事能奉順上天是大人合天也天且弗違而況

於人乎況於鬼神乎者夫子以天且弗違遂明大  
人之德言尊而遠者尚不違況小而近者可有違  
乎況於人乎況於鬼神乎

知進而不知退知存而不知亡知得而不知喪其唯  
聖人乎知進退存亡而不失其正者其唯聖人乎

進退據心存亡據身得喪據位其唯聖人乎知進  
退存亡者言唯聖人乃能知進退存亡也何不云  
得喪者得喪輕於存亡舉重略輕也而不失其正  
者其唯聖人乎者聖人非但只知進退存亡又能

不失其正道其唯聖人乎並同上

坤

夫玄黃者天地之雜也天玄而地黃

上六之父兼有天地雜氣所以上六被傷其血玄

黃也天色玄地色黃故血有天地之色正義

師

六五田有禽利執言長子帥師弟子輿尸凶

長子謂九二德長於人弟子謂六三德分於物正義

大有

其德剛健而文明應乎天而時行是以元亨

六五應乾九二亦與五為體故云應乎天也德應

於天則行不失時與時無違雖萬物皆得亨通故

云是以元亨正義引褚氏莊氏

豫

利建侯行師

建侯即元亨也行師即利貞也正義

復

七日來復

周易莊氏義

五月一陰生至十一月一陽生凡七月而云七日  
不云月者欲見陽長須速故變月言日正義引褚氏莊氏

周易下經

恒

亨无咎利貞

注恒而亨以濟三事也三事者无咎一也利二也

貞三也正義

大壯

六五喪羊于易无悔

經止一言喪言而注為兩處分用初云必喪其羊  
失其所居是自然應失後云能喪壯于易不於險  
難故得无咎自能喪其羊二理自為矛盾正義

明夷

六二明夷夷于左股用拯馬壯吉

言左者取其傷小則比夷右未為切也夷于左股  
明避難不壯不為闇主所疑猶得處位不至懷懼  
而行然後徐徐用馬以自拯濟而獲其壯吉也故

曰用拯馬壯吉正義

損

有孚元吉无咎可貞

若行損有咎則須補過以正其失今行損用信則是无咎可正故云无咎利貞

正義

姤

剛遇中正天下大行也

一女而遇五男既不可取天地匹配則能成品物由是言之若剛遇中正之男柔得幽貞之女則天下人倫之化乃得大行也

正義

周易繫辭上

易有四象

四象謂六十四卦有實象有假象有義象有用象

爲四象也

正義

周易繫辭下

爲九章第一起八卦成列至非曰義第二起古者包犧至蓋取諸夫第三起易者象也至德之盛第四起困于石至勿恒凶第五起乾坤其易之門至失得之報第六起易之興至巽以行權第七起易



之為書至思過半矣第八起二與四至謂易之道

第九起夫乾天下至其辭屈正義云周氏莊氏並為九章今從九章為

說也  
云云



